



Se'i o tatou manatu ifo pe a fa'apea ua fa'amanuiaina i tatou e fa'aalu ni aso e sefulu o ni tagata fai malaga i le Nu'u Pa'ia. Tatou te asiasia le tele o nofoaga ua a'afia i tala fa'asolo-pito na fa'apa'iaina ma le ta'uta'ua e Iesu: o le mea e fafaga ai manu na fanau ai Iesu i Pe-tele'ema, o lona aiga i Nasareta, le tu'ugamau i Ierusalem, le va'aiga o le Asiasiga, le nofoaga o le Lauga i luga o le Mauga ma Kana ma Kalilaia. I nei nofoaga ta'itasi, ua tatou nonofo ai i lalo ma metitasio ai a o se tasi o la tatou 'au malaga ua faitauaina le Tusi Pa'ia, vaega o lo'o ta'ua ai nofoaga ia ua ta'ua. I le fa'ai'uga o la tatou malaga, o le a tatou mālilie uma o tusitusiga pa'ia na ola mai mo tatou ma mai lenā lava taimi o le a tatou faitauina ma se uiga loloto ma le talisapa'ia o le Tusi Pa'ia.

A o tatou faitauina le Evagelia o le aso Sa muamua o lenei masina o va'aiga ma le pisa a le Nu'u Pa'ia ua sau i le mafaufau. Fai mai Sagato Mareko na auina atu e Iesu so'o e to'alua e tapenaina le Tausama'aga Mulimuli. Na te le'i avatua iā i la'ua se tuatusi po o se auala ma se numera o le fale ae ua na ona fai atu iā i la'ua e mulimuli atu i le tagata o lo'o tau'aveina le siā vai. O siā vai sa masani o fafine e tau'aveina, o le mea lea o le va'aia o se ali'i o tau'aveina le siā vai e lē masani a'i ma e maitauina gofie lava. Atonu sa faia ma le manino le fa'anefuina e Iesu o le nofoaga ina ia 'aua ne'i iloaina e Iuta le nofoaga ma aumai ai fitafita e saisaiina ai o ia. Sa mana'o Iesu i lenei taumafataga i se faiga puipuia ma le filemū, ona o le a i ai se taūa umi i le lalolagi atoa.

I o tatou mafaufauga, se'i o tatou savavali e ala atu i auala ia a Ierusalem aga'i atu i le nofoaga o le Tausama'aga Mulimuli, le potu aupito i luga. O se potu e telē o lo'o va'aia i le vaega o le 'a'ai tuai i le Mauga o Siona, e leai ni meāfale i nei aso ma e tatala ona itū. E tele taimi sa toe fa'afouina ai i seneturi e tele, ma o lo'o va'aia ai pea se tutusa autū mai taimi muamua le nofoaga na osia ai e le Ali'i le ulua'i Misasa ma Ona so'o.

Atonu tatou te lē malaga i Ierusalem e va'aia le mea na osia ai le ulua'i Misasa, ae e lē afaina lea. O le Misasa ua sau iā 'oe ma tatou. I lau falesā palisi i le asō, ua mafai ona e 'au ai i le mea'ai pa'ia. O le ūte o le sauniga e lē o fea na tupu ai, ae o le ā le mea ua tupu.

O le tino ma le toto o Iesu na aumai iā i tatou i le afiafi o le Aso Faraile Pa'ia. Ae le'i mae'a le aso na mulimuli mai ai, o le a maliu Iesu. Mulimuli ane na toetū o ia ma afio atu i le lagi mai lenei lalolagi. Ae o le a tumau pea o ia. Sa ia folafola mai lona fa'atasi pea ma i tatou i le falaoa ma le uaina i le ulua'i Misasa ma Misasa ta'itasi ua mulimuli mai.

Ia fa'amanuia mai le Atua ia te outou uma ma outou aiga.

AKIEPIKOPO PAUL MARTIN

Uso ma Tuafafine iā Keriso

Fa'afeiloa'i atu iā te outou a o tatou fa'aauau ona patipatia le Eseta. E i ai le fa'amoemoe sa outou mauaina lenei taimi se avanoa e fafia ai ma tomanatu i le matagofie o le Toetū a Iesu Keriso. O le tele o faitauga i Misasa ua fa'aailoa mai ai le ola o fa'apotopotoga Kerisiano anamua, ma a latou fa'anaunauga malosi e fa'asalalau le Tala Lelei ale Ali'i Toetū i tagata uma ua latou feiloa'i atu i ai. O lenei fo'i tala'iga e tasi ua vala'auina ai i tatou i la tatou lalolagi i le aso nei.

O Mē e masani o le masina o Maria ma ua tatou mauaina mai ai le avanoa e fa'aloloto ai o tatou talisapaia o ia ma tatalo mo lana fesoasaoni. Tatou te fa'apelepeleina o lana tali atu ioe i le vala'au ina ia avea o ia ma tinā o le Fa'aola, fa'atuatua i le upu a le Atua ae e lē o iloaina lelei le uiga o ia mea uma. Ona ia foafoaina lea o Iesu, fa'apea ma Sagato Iosefo, o le avea ma ali'i na va'aia ma talia lana vala'auina mai le Tamā. Sa fa'atasi Maria ma Iesu i lona maliu, ma na lagolago atu i so'o i le uma o le toetū a o latou tauaveina le vala'au e tala'i le Evage-lia. Ou te fa'amalosi'au iā outou ina ia fa'asao ni taimi e faitau ai e uiga i la tatou Tama'ita'i mai le tele o punavai o lo'o i ai nei, ma tatalo so'o le losalio, ma fesoasaoni atu i tupulaga talavou ina ia latou mauaina le malosi o lenei fafine o le fa'atuatua, le ulua'i so'o a Iesu.

O le tausaga fou o le Tausaga Iupelī i le Ekalesia. E ta'i 25 tausaga ma tupu lenei mea ma o lo'o i ai se polokalame umi mai le Tamā Pa'ia mo fa'amanatuga o vaega 'ese'ese a le olaga o le Ekalesia. O le Iupelī o le a patipatia i le lalolagi atoa ma o le a tatou patipatia i la tatou atunu'u nei ma fa'apea le Pule'aga Fa'aakiepikepope. O se vaega o lenei ua talosaga mai Pope Faranisisi o le sauniuniga mo le 2024 o se tausaga o tatalo. E tele puna'oa e fesoasaoni mo lenei ma afai e faoaga le tafa'ilagi i lalo o le a mauaina i ai: <https://www.jubilaeum2025.va/en/giubileo-il-giubileo/2024-anno-della-preghiera.html>.

Ou te fa'amalosi'au iā te outou ina ia fa'aauau la outou fuafuaga fa'alefa'atuatua e ala i tatalo ma faitauga. O mea ua tatou fafagaina ai i tatou o le a fuafuaina ai o tatou olaga. Ua fa'amanuiaina i tatou o se Ekalesia i le tele o le au tusitusi fa'aleagaga, ma tagata ua talatala maia le fa'atuatua mo tatou ma latou ua fesoasoani iā i tatou e tomanatu i lo tatou va feagai ai ma le Atua. O se lelei tele pe a mafai ona tatou liliu atu i o tatou uso ma tuafafine ma fesili atu iai po o a mea ua latou faitauina po o fa'alogologo i ai mo le olaola o le fa'atuatua, ma i latou ua mafai ona fautuaina se mea iā i tatou.

Sa potopoto i nai vaiaso ua tuana'i faife'au mo ni aso e tolu e tomanatu i o latou olaga o ni faife'au ma mea ua vala'auina ai i latou e faia i le Ekalesia i aso nei. E 34 faife'au o lo'o galulue nei iā tatou palisi e 22. Ma o lenā aofa'iga e 26 faife'au a le pule'aga ma le 8 e mai i Ituaiga. O lo'o tatou ola ai nei taimi o suiga ma se tasi o moni a o tatou atina'e pea o se Ekalesia fa'asinoti, e tatau ona tatou va'aia po o a matafaioi ma 'au'aunaga ua vala'auina ai ositaulaga latou te faia ma, o a vaega ua vala'auina ai tagata uma a le Atua e avea ma i latou. O le uiga o lenei o tatou o ositaulaga o se suiga i auala tatou te ola ai a tatou tofiga, ma i le auala o le a tauave ai e le au fa'atuatua le tele o vaega o le olaga a le Ekalesia ma le olaga i palisi. E mana'omia ona tatou va'ava'ai iā tatou fa'amoemoe ma iā tatou ositaulaga ma la tatou mana'oga e 'au ai i le olaga a le palisi. O fesili taūa nei ma fa'atalanoaga mo tatou uma e tatau ona faia, ma o le a tatou faia nisi talanoaga i lenei mataupu o se Pule'aga i le lumana'i.

O lea ua toe amata a'oga ma mo latou uma o lo'o galulue i lenei 'au'aunaga taūa a le tatou Ekalesia, matou te avatu le fa'afetai tele lava. O lo'o tele lu'itau o lo'o feagai ma a'oa'oga fa'alaua'itele fa'apea a tatou a'oga fa'apitoa mo a'oa'oga Katoliko, aemaise le fa'afaiileleina o faia'oga ina ia mafai ona a'oa'o atu le A'oa'oga Fa'alelotu, ma, ia molimauina e o latou olaga fa'afa'atuatua. O se galuega tatau moni lenei ma ou te fa'amalosi'au iā te outou ina ia faia mea uma ua mafai ona outou fesoasaoni ai iā tatou a'oga ma a tatou fai-a'oga.

I le aso To'ona'i ua tuana'i sa ou osia ai le Misasa mo Tama'ita'i Sa o le Aagalofa i Niu Sila sa potopoto mo se fonotaga. O Ituaiga Fa'alelotu e potopoto i nai tausaga i se faiga ua ta'ua o se 'mataupu' ina ia fa'atulaga polisi mo tausaga o le lumana'i, toe va'ava'ai ma tomanatu i mea na tutupu i tausaga ua alu, ma filifili se ta'ita'i fou. Ua fa'amanuiaina i tatou e Ituaiga Fa'alelotu o lo'o galulue i la tatou atunu'u. O le ituaiga o le Alofa na mua'i taunu'u i Niu Sila i le 1850 i Aukelani ona aga'i atu ai lea i isi vaega o le atunu'u. Sa tele lo latou sao i le olaga o le Ekalesia ma le sosaiete. Ua latou taumafai nei e feagai atu ma le fa'aitiitia o la latou fuainumera ma tu'uina atu a latou galuega i tagata lautele e fa'aauuina lo latou agaga Alofa. Fa'amolemole manatua i latou iā outou tatalo a o latou tapena mo la latou fonotaga iā Aukuso.



AKIEPIKOPO PAUL MARTIN

O lo'o tatou tapena nei mo le toe tatalaina o le Malumalu o le Finagalo Pa'ia ma Sagata Maria Lona Tinā. O se vaega taūa le toe fa'amalosia ma toe fa'afou le Falesa. O le a faia se Misasa o le Fa'afetaimolia i le afiafi o le aso 7 Iuni, le Sulufaga o le Finagalo Pa'ia, ma ni fiafiaga i le fa'ai'uga o le vaiaso. Ona o le tapula'a o nofoa, o le Misasa i le afiafi o le aso Faraile ua na o le 'auvala'aulia, ae fa'amolemole o mai i le Malumalu i le fa'ai'uga o le vaiaso, po le vaiaso mulimuli mai ai, e tatalo ma patipatia le toe fo'i i le Tinā Falesa a lo tatou Pule'aga.

I le taimi nei o lea ou te i Dunedin mo le Fonotaga a Epikopo. Matou te fono fa'afā i le tausaga, fa'alua mo aso e lua ma fa'alua mo le fa aso. O le fono lenei mo le fa aso. o lo'o matou taumafai e va'ai pe fa'apefea ona matou galulue fa'atasi i le tatou pule'aga atoa ina ia mauaina se auala maopopo i vaega e tele o le olaga a le Ekalesia. Ua matou mauaina ripoti mai le tele o vaega a le Ekalesia ua avea ma o matou suli i le atunu'u, ma ua matou va'ava'ai i mataupu 'ese'ese ma lu'itau ua tatou feagai atu i ai o se Ekalesia ma e pei ona i ai i lenei atunu'u. Ua lelei ua atoa le numerā o epikopo i lo tatou atunu'u.

Tatou manatua i latou ua maliliu i masina ua tuana'i atu aemaise le Tama'ita'isā o Ruth Vella RSM ma Theresa Louise McConway RSJ. Fa'amolemole ia manatua fo'i iā outou tatalo Faife'au - Frank Maguire, Frank Whitker, Peter O'Connel, David Orange, Kevin Purcell ma Tikoua Kautu e lē o atoatoa le malosi i nei taimi.

Ngā mihi nui

+ Paul Martin SM

Kalasia ale Tino o Keriso

Ia outou faia lenei ma fa'amanatuga o a'u. E lua mea e tatau ona maitauina i'inei. Muamua o le poloa'iga e tatau iā i tatou ona fa'aoga lenei sakalameta, ua fa'ailoaina mai ina ua fa'apea mai: *Ia outou faia lenei.* Lona lua o lenei sakalameta ua fa'amanatu ai le alu o le Ali'i i le maliu mo tatou.

Ia outou faia lenei. E manino na te lē poloa'ia ni mea e maua ai ni manuia, e lē o se mea ua sili lona lelei, e lē o ni mea ua sili lona fiafia, e lē o ni mea ua sili ni aogā, e lē o ni mea ua sili i ona mana'oga, e lē o se mea ua tutusa a'ia'i ma le ola e fa'avavau...

O lenei sakalameta ua manuia ona ua aumai ai le fa'amagaloga o agasala; ua anoanoa'i lona aogā auā ua aumai ai le atoaga o le kalasia iā i tatou i lenei olaga. O le Tamā o agaga ua fa'atonuina i tatou i mea ua aogā mo lo tatou fa'apa'iaga. Ma o lana fa'apa'iaga o lo'o i le faigataulaga a Keriso, ina ua ia ofoina mai o ia lava i lenei sakalameta i le Tamā mo lo tatou fa'aolataga, iā i tatou mo tatou ma ā tatou fa'aogaina. *Ou te fa'apa'iaina o a'u lava mo latou.* O Keriso, o lē ala i le Agaga Pa'ia ua ofoina mai o ia lava e aunoa ma se ila i le Atua, ae o lea ua fa'amamāina ai o tatou loto mai galuega mamate aga'i atu i vivi'iga i le Atua soifua.

Tatou te lē faia fo'i ni mea ua sili atu ona lelei. Ona o a mea ua sili atu le lelei i lo le Atua ua fa'aalia lona matagofie atoa iā i tatou. Sa e avatu iā i latou le falaoa mai le lagi, ae lē o fua o galuega a le tagata, ae o se falaoa ua fa'ae'eina ma le olioli ma le matagofie i manatu uma o le tofo. Ona o lenei mataupu a 'oe ua fa'aalia ai lou agalelei i au fanau ma fa'amalie ai le fa'anaunauga a latou ta'ito'atasi na taliaina; ua suia ina ia fa'amalieina ai le tofo a latou ta'ito'atasi.

Sa ia lē fa'atonuina se isi mea ua sili atu lona aogā, ona o lenei sakalameta o le fua o le la'au o le ola. So'o se isi e taliaina lenei sakalameta ma le tu'utōina o le fa'amaoni i le fa'atuatua o le a le tofoina le oti. O se la'au o le ola mo latou ua u'u maia lea, ma fa'amanuiaina o lē ua u'uina malosi.

O lē 'ai iā te a'u, e ola lea iā te a'u. Na te le'i poloa'ia se isi mea e sili atu, ona o lenei sakalameta o le fua o le la'au o le ola. O se tasi e talia lenei sakalameta ma le tu'utoina o le fa'atuatua fa'amaoni o le a lē tofo lava i le oti. O le la'au lea o le ola mo latou ua u'umauina, ma manuia ai o ia ua u'umauina.

O lē 'ai iā te a'u, e ola lea iā te a'u. Na te le'i fa'atonuina fo'i se isi mea ua sili atu le alofa, ona o lenei sakalameta ua aumaia le alofa ma le tu'ufa'atasia. O se va'aiga o le alofa silisili o le avatu o ia lava o se mea'ai. Pe le'i fai mai 'ea le ali'i o la'u fale'ie: O ai o le a fafagaina i tatou i lona tino ina ia fa'amalieina ai o tatou galala? E pei o la e fai mai: Ua ou alofa iā i latou ma ua latou alolofa tele iā te a'u ua ou fa'anaunau ai e fa'atasi ai i totonu o latou, ma naunau e talia o a'u ina ia avea i latou ma o'u suli. Ua leai se isi ua sili atu le vāvālalata po o uiga fa'anatura mo latou ina ia fa'atasi ma a'u, ma a'u iā i latou.

Na te le'i poloa'ia fo'i se mea ua pei o se ola e fa'avavau. O le ola e fa'avavau ua tafē mai i lenei sakalameta

Kalasia ale Tino o Keriso

ona o le Atua ma suāmalie uma ua sasa'a mai o ia lava i luga o le au fa'amanuiaina.

Fa'affilemū ma le leai se Pisa

Ou te mana'o i le la'au o le koluse ina ia totōina i o outou loto ma agaga. Fa'amaoni outou lava ma Keriso fa'akoluseina. Fa'alafi outou i manu'a a Keriso fa'akoluseina. Tā'ele i le toto o Keriso fa'akoluseina. Inā 'onānā iā Keriso fa'akoluseina ma fa'alavalavaina o outou lava iā ia. E pei ona fai mai Paulo, vivi'i i le koluse a Keriso fa'akoluseina. 'Ai ina ia e ma'ona i le fa'alumaina ma le māasiasi i puapuagatia mo le alofa a Keriso fa'akoluseina. Fa'amautū lou loto ma alofa'aga i le koluse ma Keriso, ona o le koluse ua faia se va'a mo 'oe ma se uafu o le a ta'ita'ia 'oe (mulimuliane) uafu, fa'aolataga. Ma o fao ua faia ma ki mo 'oe e tatala ai le malō o le lagi...

Tamā ma Uso Pelē! E lē toe i ai ni momoe i moega fa'atauva'a! Leai, finau e pei o se tautai loto toa ma e lē fefe e feagai atu ma le fili. Ona o le Atua o le a tu'uina atu iā te oe le kalasia atoa, a mae'a lou olaga, i le malolō mai au galuega ma va'aia le lālelei o le silisili'ese e fa'avavau ma le va'aia o le Atua lenā, le nofoaga o le nofo lelei ma filemū ai lou agaga.

Le Fanau mai o Ioane le Papatiso – fa'amanatuina i le aso 24th. Iuni

Se tasi o fa'amanatuga Kerisiano, le fanau mai o Sagato Ioane le papatiso, o lē na faia ma pa'ia i le manava o lona tinā, fa'aailoga ai le tulaga liliu i le tausaga. I le ono masina i le Fanau mai o Keriso o lenei fa'amamaluina fa'atasi ma lenā o le Kilisimasi ua maua ai se uiga Kerisiano i le taumafanafana ma le taugamalulū. I le mae'a ai o le fanau mai o Ioane le Papatiso, na itiiti le lā. "E ao 'ina tupu pea o ia, peita'i a'u nei, e tatau 'ina itiiti o a'u." (Ioane 3: 30). I le mae'a ai o le fanau mai o Keriso, na toe va'aia le tuputupu a'e o le malamalama. O le fa'aailoga fa'avanimonimo a le Tausaga Fa'alelotu ua tauavea se fe'au: ua fa'aalia mai iā i tatou o le natura atoa o lo'o a'afia i le tala'aga o le fa'aolataga. Ina ua tauavea e lo tatou Ali'i le tino tagata, sa ia tupu i se vaega tonu ma le taimi. O taimi uma, ma fetū uma, o lenei ua fa'ata'amilomilo iā te ia, le Lā fa'aleagaga.

I le Ekalesia Orthodox, ua iloaina Ioane o sē na Muamua mai, ma o ana fa'atusa e masani ona fa'aalia maia se ali'i fai apa'au ua ofu lelei. (o le au tusi Evagelia e fa'aalia i nisi o taimi ma apa'au, e o'o lava i Sisifo) Ua va'aia se āta o Ioane ua fa'aalologia o se ituaiga o Agelu, ona o le upu "agelu" o lona uiga "ave fe'au", ma o Ioane o se tasi o nei – le perofeta mulimuli ma le ta'uta'ua o perofeta o le Feagaiga Tuai, vala'auina Isaraelu ina ia salamō, ma le Faife'au a le Au Fou. Ona o lē e Papatisoina, ta'ita'ia tagata e ala atu i le vai, o ia o se Noa fou. I le agaga ma le paoa a Elia sa ia tala'i atu le fa'amasinoga ale Atua ma fa'asa'osa'o ala pi'opi'o mo le afio mai o le Ali'i. Ona o se Fa'auō ale tama Fa'aipoipo sa ia maitauina ma fa'afulale lona Ali'i ma le olioli sa ia fa'alogoia i le manava ina ua latalata mai le Tinā o le Atua .

Le Ali'i e, Ou te lē aogā a'u

O upu ia le Ali'i e...ou te lē aogā a'u na faia mo le ulua'i taimi e se seneturi Roma, o se ali'i sa 'auna'una o se fītafita i le nu'u o Isaraelu...

Afai tatou te toe faia upu a le seneturi a o tatou aga'i atu i le komunio Pa'ia, ua tatou faia lea ona o nei upu ua fa'aalia ai *se fa'atuatuga ua malosi ma loloto*. O nei upu e fa'atauva'a ae i se isi manatu ua *maua i ai le moni fa'avae ua ta'u mai ai o ai le Atua ma o ai le tagata*: o le Atua o le pa'iaga – atoa, o ia o lē na Foafoaina na aumaia iā i tatou le ola ma o lē na faia mea uma ua i ai nei i le atulaulau. O tatou o meaola ma ana fanau, ua mana'omia le fa'amalologa ona o a tatou agasala.

I se sosaiete e maualuga lona tamā o aiga e pei o tatou, o tagata uma ua lava ma totoe mea'ai, a'oa'oga ma le va'aiga fa'asoifua maloloina o lo'o maua e tagata uma, ma ua ausia ni tulaga amiotonu maualuga fa'asosaiete, e faigofie ona galo ai Lē na Foafoaina, mai na lima alofa na sau ai mea uma lava. *E faigofie ona ola ai e pei e leai se Atua*. Ioe, o lo'o i ai se tosigā malosi inā uiga, ona e foliga mai o le fa'aילוaina o le Atua o le amataga ma le i'uga o mea uma lava e fa'aitiitia le sa'oloto a le tagata ma tu'uina ai ni muta'aga e lē taliaina i gaioga a le tagata. Ae a tatou fa'agaloina le Atua e lata ona tatou leiloa atu le uiga loloto o lo tatou ola ai, ua tatou leiloaina o ai tatou. Pe lē o se vaega taūa lenei o le *lē fa'amalieina* ua masani i sosaiete ua maualuga le lelei?

E lē o se fa'avae mo a tatou lelei fa'asosaiete ma le mafaufau le fa'alogoia o le logogatasi ma le matagofie le leo o le Atua i le atulaulau? Pe lē o se fa'asa'oloto le maitauina o le mautū, moni, agalelei ma isi tulaga ua atili ona mauaina e le mafaufau a le tagata i le vateatea o ni manatunatuga o le tu'ufa'atasia o le tutū fa'atasi, moni, agalelei, ma le matagofie o Lē na Foafoaina?

Sulufaga a Sagato Pateru ma Sagato Paulo – 29 Iuni

O le a ia foafoaina le matagofie mai le efuefu. Ua ou iloaina lenei. Mai le loloto o lo'u agaga, ua *'ou iloaina lenei*. Ae tumau pea, e i ai taimi ou te tausisi ai i le faia i o'u ala. Ou te faia i o'u ala se'ia fa'ao'olima ua ou pa'ū ai i o'u tuli ma le manatu pe afai o le faiga lenei pe a taofia le fa'apipi'iina fa'atasi o vaega o lo'u nutinuti

Kalasia ale Tino o Keriso

i se mea fou. Ua ou tagi atu iā te ia ma ua ia toso atu o a'u i fa'apaologa o ona lima. Fa'atasi ai ma se musu-musu malū ua ia fa'amanatu mai iā te a'u: "O lo'u nei alofa tunoa e lava lea e fesoasoani iā te 'oe; auā o le vaivai e fa'aatoaina ai lo'u mana (2 Korinito 12: 9).

Ua ia fa'amautinoa mai iā te a'u lana folafolaga e ala i fa'ata'ita'iga a Sagato Peteru ma Paulo. E ala iā i la'ua, ua ia a'oa'oa mai ai a'u i lona mamalu e leai ni tuā'oi ma le alofa e leai ni muta'aga.

E aunoa ma le fa'alotolotolua, na tu'u i lalo e Peteru ana upega fagota ma alu 'ese atu mai le va'a ina ua vala'au Iesu. O le alofa a Peteru o lo'o maua'a – loloto ma e lē finauina. Ae e le'i tu'ua ai e Peteru lē ua alofagia ona tinea o ia. Ae peita'i, fa'atasi ai ma ona fa'aletonu, o Peteru o le papa ua ia fa'aogaina e fausia ai lana Ekalesia.

Ma Paulo – na feanu atu e Paulo le 'o'ona i le au talitonu ma tutū ai e matamata a o sasaina i latou ma fa'amanu'aina. Ae sa fa'alatalata mai Paulo. Sa ia fa'apupula mata a Paulo ma tu'uina atu le ofu i ona tau'au. Na tu'uina mai atoa e Paulo o ia lava i lona mana'oga ma i itulā pogisā, mai le potu itiiti lava, folafola lona mamalu.

E pei o Peteru ma Paulo, sa i ai sona mafua'aga mo o'u vaivaiga. Sa ia fa'aalia lona alofa mo a'u, fa'amautinoa mai iā te a'u na te lē tu'ulafoa'ia a'u, ma toe fa'afo'i maia vaega nuti o lo'u olaga i se va'aiga matagofie.

Ua tatou patipatia le mamalu a Sagato Pateru ma Paulo, Aposetolo, o sulufaga 'autū a le Ekalesia a Roma...

E fia ofo atu ni manatu i le 'au'aunaga a Peteru, ta'ita'ia e le upu "fa'amaonia". O le a le mea na vala'uina ai le Epikopo a Roma e fa'amaonia?

Muamua, *ia fa'amaonia le fa'atuatua*. O le Evagelia ua talanoa mai i le kofesio a Peteru: "O 'oe o le Keriso, le Alo o le Atua soifua (Mataio 16: 16), o se kofesio e le'i sau mai iā te ia ae mai le Tamā i le lagi. Ona o lenei kofesio, na tali atu Iesu: "O Peteru 'oe, 'ou te ati a'e fo'i la'u ekalesia i luga o lenei papa" (Mataio 16: 18). O le matafaioi, o le 'au'aunaga fa'aekalesia a Peteru, ua fa'avae i luga o lana kofesio o le fa'atuatua iā Iesu, le Alo o le Atua soifua, na faia i le kalasia na auina mai lugā. I le vaega lona lua mai le Evagelia o le asō ua tatou va'aia ai le fa'alavelave o le mafaufau i uiga i le fa'alalolagi nei. Ina ua tautala Iesu i lona Maliu ma lona Toetū, o ni ala a le Atua e lē tali atu i ala a le tagata o le paoa, tino ma le toto ua toe va'aia iā Peteru: "Ona ta'ita'i ane ai lea e Peteru iā Iesu, ua vavao iā te ia ua fa'apea mai, "Le ali'i e, ia mamao iā te oe lea mea; e lē o'o lenā mea iā te 'oe" (Mataio 16: 22). O le tali a Iesu e sauā: "Satani e, inā alu ia 'oe i o'u tua! Ua fai 'oe ma mea ou te tausua'i ai" (Mataio 16: 23). Po o fea lava e tu'u atu i ai o tatou mafaufauga, o tatou fa'alogoga, po le manatu i le manumalō o le malosi a le tagata, ma aua ne'i tu'uina atu o tatou lava e a'oa'oina ma ta'ita'ia e le fa'atuatua, o le Atua, o le a avea i tatou ma ma'a lāvea. Fa'atuatua iā Keriso o le malamalama o tatou olaga oni Kerisano ma 'au'auna i le Ekalesia!

O le fa'amausalī i le alofa. I le faitauga lona lua ua tatou fa'alologologo ai i upu fa'agae'etia a Sagato Paulo: "Ua ou tau le taua lelei, ua i'u iā te a'u le tausinioga, ua ou taofi i le fa'atuatua" (2 Timoteo 4: 7) Ae o le a lenei taua? E lē o le tasi o na taua ua faia i 'aupega a tagata ola ma e fa'anoanoa ai ua fa'aauau ai ona fa'amasasa'a toto i le lalolagi atoa; ae, o se taua o le fa'amaletileina. E tasi le 'aupega a Sagato Paulo: o le fe'au a Keriso ma le mealofa o lona olaga atoa mo Keriso ma mo isi. O lenei foafoaina e tu'u atu o ia ina ia fa'aogaina mo le Evagelia, ia avea o ia ma mea uma lava i tagata uma, ma le lē fa'atu'oaia, ua avatu ai iā te ia le fa'amaoni ma fausia ai le Ekalesia. O le Epikopo a Roma ua vala'uina o ia ina ia ola ma fa'amausalī ona uso ma tuafafine i lenei alofa mo Keriso ma mo tagata uma, e aunoa ma le tu'ua'iga, tapula'a, po o pāpupuni. E le gata na o le Epikopo a Roma: o outou ta'ito'atasi...ua i ai lea galuega: ina ia tu'uina atu o 'oe lava ina ia aveina atoa e le Evagelia, ia avea mea uma lava i tagata uma. O lau galuega o le 'aua ne'i taofia maia se mea, ia alu atu i fafo atu o outou lava i le 'au'aunaga ale fa'atuatua ma tagata pa'ia a le Atua.

Marguerite Porete – Maletile Beguine (d. 1310)

E faigatā ona mafaufauna se fa'alata tele o le agaga o Keriso i lo le lagona e fa'akoluseina ma susunu le fili a se tasi. E fa'anoanoa ai, o se lagona o le ekalesia fo'i ia, e ala i se vaega lelei o lana tala'aga, ua mauaina se faigatā e te'ea ai. O se taisi o nei tagata afaina o se tala'i ma se fa'alilolilo o Makelita Porete.

O ni fa'amatalaga itiiti ua tatou iloaina e uiga iā Makerita Porete o o'o fa'asaoina i tualumaga ale fa'amasino-

Marguerite Porete – Maletile Beguine (d. 1310)

ga Su'esu'e i Paris na tu'ua'ia o ia ose fa'apaupau i le 1310. O fa'amaumauga ma ana tusitusiga ua ta'u ma-ia, o a lava ana fa'aletonu, o ia o se tama'ita'i pa'ia o lona loto na mū i le alofa o le Atua. O ali'i sa tu'ua'ia o ia, o a lava mea sa latou fai mai ai i ni taumafaiga lelei, e faigatā ona fai iai se fa'ai'uga ona sa latou naunauta'i tele i le tu ma faiga masani i lo le alofa ia Keriso.

O Marguerite sa fa'aioaina o se tagata Beguine, o se fa'apotopotoga fa'alelotu a fafine e faia galuega lelei sa tu'uta'ua i pitonu'u maualalo o ona taimi. O le amataga o le fa'aupuga "Beguine" o lo'o finaua'ia; o nisi e tete'e i ai fai mai o se fa'aupuga o le inosia, e pei o le fa'aupuga o le "pepelo" po i taimi talu ai nei, "kominisi". O lona fa'asa'oga ua fa'asino lea i se fa'apotopotoga to'aitiiti o tama'ita'i Kerisiano ua tu'ufa'atasi i se olaga ua tu'utō i tatalo ma le agalofa. O nei fafine ua sa'ili ina ia ola i ni olaga e leai ni gaosā ma le tu'utōina i tatalo ma galuega alofa. O nei tama'ta'i ua saili e ola ai i ni olaga filemū i le tu'utoina e aunoa ma le faia o ni tautoga fa'alelotu, alu'ese mai i fa'atulagaina o faiga fa'avae o tamaoaiiga ma le fa'aekalesia a latou sosaiete.

A o taumafai fafine fa'alelotu e fa'amatala le fa'asinomaga fa'aleagaga i le lalolagi e aunoa ma le fesoasoani e taliaina fa'aekalesia, o le au Beguines sa a'afia i le tele o fa'asauāga. Ae sa i ai fo'i nisi sa puipui iā i latou. O se aofa'iga o le 'au fa'aleagaga sa fa'atasi ma le au Beguines, a'afia ai o Mechthild o Magdeburg ma Hadewijch, o la tusitusiga sa faitau laua'itele ma fa'amemeloina.

O Marguerite Porete e lē masani ona tumau ai se fa'apotopotoga fa'apitoa, ae sa filifili e malaga solo ma tala'i lana fe'au fa'aleagaga. Sa ia tusia fo'i se tusi, *A Mirror for Simple Souls*, ua fa'amatalaina ai ona fa'aleagaga misitelio. Ona o nei manatu ma lona naunauta'iga i le tala'i atu na saisai ai ma molia o ia e le 'au suesu'e i Paris.

O se Fa'ata mo Agaga Fa'atauva'a (A Mirror for Simple Souls) o se lauga fa'alilolilo, tusia i se faiga o se talanoaga i le va o le Agaga ma Mafua'aga. O le manatu 'autū a le tusi o le fa'alototeleina le tuliloaina o le fa'aleagaga atoatoa i se mafutaga alofa ma le Atua ma tuā'oi a se tasi. Fa'atuātusi i se "agaga fa'atauva'a" o se galuega fa'atauva'a. O le au Su'esu'e sa su'esu'eina ana tusitusiga na fa'aliliua ana Gagana fa'asolo i ni faiga o fuafuaga sa manatu e pepelo. E pei ona masani i tulaga fa'aleagaga, sa tu'ua'ia o ia ua fa'asalalauina se fa'aleagaga ua tufa mai ma le alofa'aga a le Ekalesia i le feso'ota'iga sa'o ma le Atua.

Ia Aperila i le aso 11, 1310, o se vaega o loia fa'akanone ua folafolaina lona nofosala i a'oa'oga sesē. O ana tusitusiga sa susunuina i le va'aiga lautele a tagata. I le aso muamua o Iuni, ina ua tu'uina atu i le vaega o fa'asalaga fa'alemālō, na susunuina o ia o se fa'apaupau e lē salamō. O lona maliu na amataina se gaiōiga o faiga o fa'asalaga i le oti a le au Beguines. Lua tausaga mulimuli mai ai o lenei fa'apotopotoga ua fa'amutaina aloa'ia.

6

Tino ma le Toto Pa'ia o Keriso – fa'amanatu i le aso Sa muamua o Iuni

O le asō, i le lalolagi atoa, o fa'apotopotoga e pei o tatou ua potopoto fa'atasi mai e patipatia ma le loto fa'afetai tele i faiga talosaga masani. Ua tusa ma le luaafe tausaga talu ona fa'apea mai Keriso **'Ia outou faia lea ma fa'amanatuga iā te a'u.'** O le faitauga o le evagelia ua ta'u maia iā i tatou ni amataga fa'atauva'a o le Misasa, pe na fa'apefea iā Iesu i le po na fa'alaina ai o ia, patipatia le eukalisitia, o lana mea'ai mulimuli ma ona so'o. Sa ia fa'aalu se taimi e taumafa ai lenei mea'ai ma i latou ina ia latou fa'asoaina ma aveva o se vaega o lana galuega. Sa ia tago i le falaoa tofitofi ma fai atu: 'O lo'u tino lenei'. Ona ia tago lea i le ipu ma avatu le fa'afetai ma fai atu 'O lo'u toto ua fa'amaligiina, sasa'a atu mo le to'atele.' Mai aso anamua, ua usita'ia e le ekalesia le Ali'i i ana upu. I le faia o mea na faia e Iesu lava ia i lenā fa'apotopotoga ua tatou masani ai i le faia fa'apea lona fa'atasi moni ai ma i tatou. Fa'atasi ma mealofa o le falaoa ma le uaina ua tatou aumaia ai tatou ma mea ua tatou maua o ni faiga taulaga i le Ali'i.

Corpus Christi – Tino o Keriso o se sulufaga mo le tomanatunatuga ma le fa'afetai i le agaalofa ale Atua iā i tatou, o le mealofa mulimuli ma le maualuga o lona alofa. O le taulaga i luga o le koluse a lo tatou ali'i, mo tatou ta'ito'atasi, e aogā tele. Tatou te manatuina ma le fa'afetai le folafolaga sa faia e fa'atasi ma ana uō ma latou e mulimuli atu iā te ia o a latou mea'ai ma le fafagaina i le faigamalagasā i le olaga. O tatou uma o tagata o lo'o faimalaga ua feagai ma tofotofoga ma puapuagatia

Tino ma le Toto Pa'ia o Keriso – fa'amanatu i le aso Sa muamua o Iuni

ona o mea o lo'o tutupu i aso uma. O ai se isi fa'auō ua sili atu mo le lagolagosua i lo le i ai o Iesu? E ui tatou te le'i taunu'u i lo tatou taunu'uga mulimuli, faimalaga ma ia o se fa'amafanafanaga malosi o lo'o tatou i le auala sa'o. O ia o le mea'ai mo tatou agaga ma le fesoasaoni fa'aleagaga tatou te mana'omiaina e mafai ai e tatou ona vava'ese atu filifili o lo'o saisaitia ai i tatou i lenei 'ele'ele. O le Komunio Pa'a o le fofō mo a tatou fa'aletonu o aso ta'itasi ae lē o le tau i mo le paia ua tatou mauaina. E lē fa'apea ua tatou pa'ia ua tatou taliaina ai Iesu ae ona ua tatou fa'anaunau e suia ma avea e pei o ia. O mea ua mana'omia mai iā i tatou ia tatou fa'asoa le Eukalisitia ma isi, ona ua tatou faia a tatou faigamalagasā e ala atu i vanu o loimata o se fa'apotopotoga ae lē o ni tagata ua ta'ito'atasi.

Se tasi o fua o a tatou potopotoga i fa'avaiaso e tatau ose fa'ateleina o le alofa i tagata o le fa'atuatua. Fa'atasiga ma Keriso i le Eukalisitia o lona uiga o le fa'alatalata atu i o tatou uso ma tuafafine, aemaise lava le au vaivai ma le au matitiva i o tatou fa'apotopotoga. E lē tatau ona i ai se fevae-vaevaina, femisaa'i po le loto tigā iā i latou o lo'o potopoto i le laulau a le Ali'i. O se su'esu'eina lenei ole fa'amaoni mo tatou. I o tatou olaga i aso ta'itasi ia talosagaina i tatou e fa'amagalo, ia va'ai i tua atu o vaivaiga, ia malamalama i le fa'aletonu o a tatou fa'auō ma 'aua ne'i tapunia o tatou loto pe a tatou mafatia ma tigā. Ina ia alofa le Atua iā i tatou e tatau iā i tatou ona alofa atu fo'i. O le patipatia o le Eukalisitia o le tausama'aga tele lea a le ekalesia, le ogatotonu ua tafe mai ai kalasia uma. Ua tatou aumaia i ai o avanoa, fa'anaunauga ma mana'oga mo lo tatou olaga. O le Mauaina o le taimi ma le Atua ma avatu tatou lava iā te ia o se fa'aaliga taūa o lo tatou fa'atuatua.

Aso Sa Sefulu o le Tausaga

O le amataga fa'amisitelio o le tevelo i le lalolagi ma ona fa'aletonu ua fa'amatalaina fa'apiliota i tala ua tutusa ma le tala i le pa'ū'ū a Atamu ma Eva mai le kalasia i le togala'au a Etena. O se tala mata'ina i le auala na fa'aleagaina ai e le agasala le va feagai ai a le Atua ma ona tagata. Na vala'au le Atua iā Atamu: 'O fea 'oe?' Na lafi Atamu ona ua ia agasala ma ua lagona le māasiasi ma le mā i le mea ua ia faia i le 'aia o le fua fa'asāina. Na fa'anatinati ona tu'ua'ia e Atamu ia Eva, ua fai atu: "O le fafine na e aumai iā te a'u, ua na aumai iā te a'u le fua o le la'au, ma ona ou 'ai ai lea." Ina ua fesiligia Eva sa ia tu'ua'ia le gata. O le mea atoa na tupu o se va'aiga masani o tatou o ni tagata ola, ua faia ma taumafai e 'alo'ese mai le matafaioi o a tatou gaiioiga. Ua iā i tatou se una'iga e avatu le tu'ua'iga ma ta'uta'u atu o tatou lava ta'umamāina ona tatou te māasiasi iā tatou mea e fai ma e lē mana'o e tu'ua'ia i tatou.

O le agasala, e pei ona tatou iloaina, o se solitulafono aga'i i le Atua. O a tatou gaiioiga, ma ua fa'amamao ai i tatou mai ma ia. A iloaina le agasala o le a lē nofo lelei i o tatou tau'au. E loloto i totonu e leai se naunautā'iga e ioe atu o tatou ua sesē ma fa'aali atu le salamō mo a tatou fa'aletonu. O le fa'aletonu o le lē fa'ailoaina o a tatou agasala o tatou ua lē mafai ona mauaina le fa'amagaloga ale Atua. E pei o Atamu ma Eva, ua tatou lalafi. E ui o Atamu ma Eva na agasala, o le Atua, ua ta'u maia iā i tatou, na fa'auau ona savali i le fa'ato'aga, o lona uiga na te le'i te'ea i la'ua. E ui ua pa'u'ū mai le kalasia ae le'i tumau ai la'ua mai le pa'i atu o lona alofa. O le fa'amagaloga ale Atua o lo'o i ai pea mo tatou, ae vaganā ua tatou a'apa atu iā te ia i le salamō ma fa'ailoa o tatou gaiioiga agasala, o a tatou agasala o le a tumau le lē fa'amagaloina. O le mafai ona fa'ailoa atu le loto salamō i upu ma gaiioiga o se vaega taūa lenei o se vafeagai lelei ai. E taūa le iai o se iloaina o ana taunu'uga ina ia mafai ai ona tatou a'apa atu mo le fa'amagaloga.

Ina ia i ai se va'aiga manino i le uiga o a tatou olaga ua i ai nei, o le vala'au a le Atua, 'o fea 'oe,' ua fa'aleoina i o tatou loto. I se isi mafauauga o le olaga ua avea o se ta'alogā o le i've'a ina ia 'alo 'ese mai i matafaioi mo a tatou gaiioiga, ma mo le tagata ua i ai tatou. O le fete'ena'iga i le va o le lelei ma le leaga o le a fa'auau a o i ai pea le tagata i le lalolagi. O le to'atele o tatou e lalafi i o tatou olaga atoa ona o le agasala. Ua leai se lototele e feagai atu ai i o tatou tulaga ma fa'ailoa ma le fa'amaoni o tatou o lo'o tafetafa ma leiloa, lē lavalava i le silafaga ale Atua.

O lo'o tusia mai e le evagelia se āta a lo tatou Ali'i Fa'apa'iaina ofoina mai iā i tatou le fa'amaloloina, malosi, fa'amagaloga ma se alu'ese mai i o tatou puapuagatia. O le olaga atoa ma le misiona a Iesu o se fa'afouga o le talanoaga i le va o le Atua ma ona tagata, O le mea lea, ia 'aua ne'i o tatou matata'u e liliu atu iā te ia mo lana fesoasaoni i o tatou olaga. Afai tatou te ta'uta'u atu a tatou agasala ma le salamō, o le a tatou iloaina ma le fa'atuatua ua fa'amagaloina i tatou, ma malaga atu i le faigamalaga a le olaga ma mafau ma loto aga'i atu i le lagi.

Aso Sa Sefulutasi o le Tausaga

A o tatou faimalaga atu i tua o 'a'ai ua tatou va'aia le olaola fa'avavega o lo'o tupu ma si'osi'omia ai tatou i fugala'au, la'au, mea totō ma togavao. E leai ni upu e mafai ona pu'epu'e maia le matagofie o lea va'aiga a o fa'asolosolo le ta'amilosaga ale natura ua fuga mai i ona matagofie atoatoa. E mata'ina ma o se fa'ailoga manino ua taunu'u le taimi o le seleselega. E lē avea i tatou ma ni faipala'au polofesa e talisapaia ai le ola o mea totō o se tuputupu a'e e faifai mālie. Ua i ai ona amataga i ni fatu ititi ua tanuina i le 'ele'ele ma e mana'omia le taimi, tausiga fa'alelei ma fa'atalitali ma le onosa'i mo lona tuputupu mai ma fua mai ai ni fua.

O faitauga mo le vaiaso nei ua manatu i le olaola lelei, e lē o le ola fa'aletino ae o le fa'aleagaga. Ua tautala mai i le taūa o tatou i le o atu i le Atua i tatalo ma galuega lelei ina ia ola i le fa'auō ma le alofa ale Atua. O lo'o galue ai le Atua i augatupulaga uma ma i olaga o tatou ta'ito'atasi. O le fatu o lana upu na mua'i totō i o tatou loto i le papatisoga. O la tatou galuega o le fui vai ma va'ai fa'alelei i ai ina ia mafai ona galue malosi i totonu o tatou. Ona o le to'atele o tatou sa papatisoina o ni pepe, o matua ua i ai se matafaio taūa o le fa'afaileleina o le fatu o le upu a le Atua iā latou fanau. O le fa'ata'ita'iga ua latou faia i tatalo ma olaga lelei kerisiano i aiga o le a avea ia ma auala e fa'afaileleina ai uiga a latou fanau i le olaga ma i le Atua.

O le la'au o le sinapi ua fa'amanatu mai iā i tatou se moni taūa o le olaga kerisiano: o le fatu o le olaga ale Atua i totonu o tatou e tuputupu lemū ma e lē va'aia. E lē mafai ona tatou fa'atopetopeina le tupu o le fatu i le 'ele'ele ma e fa'apenā fo'i tatou te lē fa'atopetopeina le ola o le Atua i o tatou loto. E leai ma se mea tatou te mafaia ona fa'avavevave ai. Ona o la tatou auala atu i le lelei atoatoa ua foliga mai e fa'atigā loto e masani tatou te manatu e sili ai le tu'u. E to'atele tatou ua maua i se fa'alogo'aga lē mautonu i le uma ai o le tele o tausaga o tauivi ma le olaga kerisiano, ua le maua se latalata i le Atua. Ua atagia mai ai le leai o se pulea o a tatou lava fa'aletonu fa'aletagata. O agasala masani ua tupu pea ua taofiofi mai ai le alualu i luma aga'i atu i le ala o le lelei atoatoa. O le onosa'i ma le tūtūmau ma le fa'amoemoe lē fa'atuā'oia o vituti e tatau ona tatou atina'e. E faigofie ona galo iā i tatou o le Atua e tauia a tatou taumafaiga, o tatou mafai e ona taumafai pea ae lē o tatou lelei maoa'e. Ua tatou le mailoaina o lana kalasia e mafai ona galue e ala i o tatou vaivaiga fa'aletagata ma muta'aga ma e mafai ona ausia mea ua tua atu o tatou miti. O le a tatou le mafaia ona fuaina ae e mafai ona mautinoa e toe tupu pe a tatou fa'atinoa a tatou vaega ma fuafuaga e fa'amalieina ai le Atua.

8

Tatou te tausia le fatu a le Upu a le Atua ua totō i o tatou loto i tatalo ma sakalameta, ua tu'uina ai i tatou e fa'atino galuega lelei ma gaioga o le alofa agalelei. I lenei auala ua tatou faia ai le 'ele'ele ua totō ai le fatu o le upu a le Atua e fua tele mai. E leai se tausaga fa'atulagaina ua lē mafai ai ona tatou ola ai i le kalasia ale Atua. O le mea lea ia tatou ilaoina o le olaga ua na o se āta lafoia ua pasi atu ma o nai tausaga ua tu'uina mai iā i tatou i lalo nei mo le faia – o agaga. Afai tatou te lē ola ai i amio lelei ma tulaga fa'aleagaga i lenei lalolagi, o le a anoanoa'i le ola ai o le a faia i pulekatolio.

Aso Aso Sa Sefululua o le Tausaga

O se va'aiga fa'anoanoa tele i le i ai o se tasi i se paopao ae fa'afuase'ia ona suia le tau mai le malū i ni galu mauaululga ma le fesousoua'i malosi. O le malosi a se matagi ua aumai ai galu malolosi ua mafai ona avea ma ni fa'amata'u. O tatou uma ua o'o i le tulaga o le fefe, o le mea lea ua tatou talisapaia ai mafatiaga na o'o i ai le au aposetolo i le afā na fetosoa'i solo ai le latou va'a. I le latou popolega ma le fefefe na liliu atu ai iā Iesu o lo'o moe i le va'a, maitauina e lē o iloaina le pagātia ua i ai le au so'o, ma le lē manatu mamafa i le latou fa'alavelave. Ua fe'ei atu ma le ita na latou fafagu iā te ia: "Le a'oa'o e, e te lē manatu mai 'ea iā te i matou a fano?"

O lenei tala ua i ai se fa'alogo'aga fa'aonapō nei. E faigofie lava ona tatou fāoa se feso'ota'iga i le va o le afā i le sami ma tofotofoga ma puapugatia o tatou olaga. Fa'alavelave, lē fiagfia ma malaia ua sau iā i tatou mai lea taimi i lea taimi oni tofotofoina ogaoga a lo tatou fa'atuatua. E ui tatou te lē ioeina vave maia, o nisi o taimi ua tatou fa'anoanoa ai i le Atua pe i ai ni fa'aletonu ua aumai ai le fa'anoanoa ma le loto tigā i o tatou aiga. Ona oni mātua, e faigatā tele ona nofonono ai ma va'ava'ai iā tatou fanau o faia ni fa'aletonu i o latou olaga, aemaise pe a fa'apea sa tatou taumafai e faia se lelei tele ma avatu ni fa'ata'ita'iga ina ia aumai ai i latou e savalia tulaga fa'atauaina kerisiano. E fa'aosoosoina i tatou e gaiogi atu i le ita i le Atua ma tu'ufesili atu i ai: 'Aiseā e te lē fa'alavelave ai ma taofi mai nei faiga fa'aloto vaivai?' O fa'alogo'aga fa'apenei o le fa'aletagata loloto, e malamalamaina

ma e lē o se mea e māasiasi ai. O a tatou gaioiga e le 'ese ma le au aposetolo: Le Ali'i, e te lē manatu mai 'ea?'

A lē aumai vave e le Atua se tali iā tatou tatalo, ua tatou loto vaivai, popole ma maua i se manatu fefe i le malemo i lalo ifo o galu o le fa'anoanoaga. O le mea moni lava, o la tatou lalolagi o se matagi malosi ma o le Atua e le aumaia ni tali vave ua fa'amalieina ai a tatou fesili fa'aletagata. Tatou te manana'o iā ia e ta'uamiotonuina o ia mo mea ua ia faia po ua lē faia, e fa'amatala mai iā i tatou o ana foafoaga. O lo'o i ai misitelio i le natura i tua atu o tatou mafai ma o puapuagatia o se tasi o ia mea. Manatua, e le ave'esea e le Atua puapuagatia ma le oti, e o'o lava mai lona lava ia Alo. E leai ni tali i nei fesili vaganā le tasi ua fa'aosofiaina e le fa'atuatua ma o tatou ua le lava le fa'atuatua.

O le evagelia o le asō e tatau ona aumaia iā i tatou le fa'amoemoe. Ua fa'aalia mai iā i tatou o Iesu e masani ona latalata mai, natia i le fatu o mafatiaga. Ua vala'auina i tatou ina ia fa'atuatua ma avea Iesu ma le fa'amaoni ona ua na o ia e mafai ona aumaia le loto tele ma le filemū i totonu ua ave'eseina ai le fefe i malaga i matagi malolosi o le olaga. Pe ana tatou iloaina o le Atua silisili'ese o lo'o fa'atasi ma i tatou ma ua iā i tatou le malosi e ave'eseina atu ai le fefe ma le mata'u ua sau i o tatou ala.

Aso Sa Sefulutolu o le Tausaga

Ua fa'aalia mai e le evagelia se fa'ata'ita'iga o le mana mo fa'amalologa a Keriso i se va'aiga e lolo-to le fa'agae'etia e lē masani ai. O Iairo o se tagata tofia a le sunoka, sa i ai lona afafine la'itiiti sa maua i se mai tigaina, ua lata ona oti. Ise tulaga fa'aletonu ma le fa'anoanoa sa ia sa'ili atu ai Iesu ma 'ai'oi atu e sau i lona fale, ma tu'u ona lima i luga o lona afafine ma fa'amaloloina o ia. Na tali vave atu Iesu e aunoa ma se fa'atali, ae a o aga'i atu i le ala na aumai le tala o le teneitiiti ua oti. O le fa'aauau o le a leai se aogā, ae i se pule malū na vala'au Iesu mo le fa'atuatua ma fa'aauau atu i le fale. I le potu ma'i ua leai ma se pisa, ua na o le lua upu, na ia toe fa'afo'i maia lea teineitiiti i le soifua maloloina atoatoa.

O le loto a Iesu e lē mafai ona te'ea se lima ua fa'aloaloa mai i le mana'omia po o se talosaga mo se fesoasoani faia i le fa'atuatua. Fa'amalologa sa i le ogatotonu o lana 'au'aunaga fa'alau'itele ma o se manatu e ao ona maitauina o galuega fa'amaloloina na fa'aauau atu e le gata i le tino ae fa'apea le agaga. I le taimi o lona olaga sa ia fealua'i solo i Kalilaia fa'amalolo po o le a lava ma'i po ni fa'aletonu ma ni a'afiaga o le tino i tagata sa ia avatu le fa'amalologa ma le ola foa'i o le 'au ai o le Atua. O gaioiga fa'amalologa a Iesu o ni fe'au fo'i latou, ua ia sau e fa'asa'olotoina le tagata.

O le misiona a le ekalesia i tausaga uma o le fa'aauau le galuega fa'amaloloina na amataina e Iesu e ala i ana vavega. O kerisiano uma ua vala'aina i lenei 'au'aunaga i so'o se ala. O le mana fa'amalologa uiga'ese a Iesu sa i lona fa'anaunaga e fa'aali le alofa. Tutu'i i le koluse i luga o le mauga o Kalevalio, sa ia fa'amagalalo le gaioi lelei e ui na te le'i avae'eseina mai o ia mai ona mafatiaga. E leai se masalosalo o ana agasala sa fa'amagaloina, ua fa'aleleia fa'aleagaga. O le fa'aleleia moni e masani ona tupu i le faia o mea fa'atauva'a o le olaga, e masani ona lē amana'iaina pe ave fua.

O tatou uma ua vala'auina e fai ma sui o le Atua i le faia e pei o Keriso ma e leai ma se isi e mafai ona 'alo'ese mai ai ona o a tatou tofiga o le fa'amaloloina. Afai e ma'i se uō ua le mafai ona togafitia, o le atamai ma le poto fa'afoma'i ua le mafai ai ona toe fa'afo'ia maia le soifua maloloina lelei. O mea ua latou mana'omiaina tele i lo se isi lava mea i lenei tulaga, o le alofa ale Atua ia faia e moni mo latou, e ala i le poto masani o le tausiga ma le alofa ua fa'aalia e tagata o lo'o si'osi'omia ai i latou. I le i ai i'ina, e o'o lava ua tatou le mafaia se mea, e mafai ona tatou faia ia moni le fa'atuatua i le Atua mo latou, ona o lo'o tatou mulimuli i le Ali'i i lona alofa. O le Misasa o le asō ua fa'amanatu mai iā i tatou le agalelei a lo tatou Ali'i, o lē na avea ma mativa ona o tatou. Ua tatou talia le 'oa o ana fa'amanuiaga e tele ma o lenei ua talosagaina i tatou e o atu ma fa'asoa lenā 'oa ma isi.

O LE MISASA LEA NA ALOA'IA AI ONA FA'AU'UINA TELESIA ALAIMOANA O SE TA'ITA'I FA'ALAFULEMŪ
(LAY PASTORAL LEADER)



Mareko 2: 1 – 3: 6. O le amataga o le finauga

E ui ua fa'atapula'a e Mareko o ia lava i le fa'amatalaina ua na o le tasi le aso o le 'au'aunaga ua ia mafai ona aumai ai se āta o gaioiga na fa'atinoina e Iesu. Sa a'afia uma ai le vaega atoa ma sa talia ma le fiafia e tagata, pe ana fa'apea na o se tagata e faia mea matagofie. Mulimuli mai ai ua amata ona va'aia nisi e tete'e iā te ia mai iā i latou o a latou tofiga pule ma le fa'atosinagaga ua lamatia e lona i ai, o latou ia o ta'ita'i fa'alelotu ma fa'alemalo. Ua tele ni mea ua latou iloaina e uiga iā te ia ma lana tala'iga i lo le motu o tagata, ae maise le manatu lē fa'aitu'au. O le vaega leni o le tusi ua a'afia ai vaega e lima o le finauga i le va a Iesu ma itū tete'e, i mea uma o latou ua faitioina o ia ua fa'afememea'i i se upu a Iesu tomanatu i se vavae'eseina mai ma le mautinoa ma a latou uiga ma faitioga i lona olaga, ma i se vavega fa'apea le fa'ata'ita'iga muamua ma le mulimuli. Pau le a'afiaga o se fefinaua'iga fa'apea o le tete'e malosi atu ia Iesu, na tualuga i le fa'ai'uga e fasioti ia Iesu (3: 6).

2: 1 – 12. *O le Fa'amaloloina o le Supa.*

O le fesili i le agasala o lo'o fofou malosi mai i olaga o le fa'apotopotoga o tagata Iutaia. Ua fa'asalaina e Ieova Isaraelu mo ana lē fa'amaoni ma fa'apotopotoga na mulimuli mai i le fa'aunu'ua (fa'aiutaia na mulimuli mai i le toe fo'i mai Papelonia i le 521 BC) sa malamalama lelei i ona tulaga agasala, e lē gata i le fa'apotopotoga (Ne'emias 9: 6 – 38; Tanielu 9: 3 – 19) ma le fa'aletagata (Esekielu 17; Ps. 51). O le i'uga, o le vaitau fa'amesia sa va'aia o se taimi o le a fa'amagaloina mai ai atoatoa Isaraelu mai le agasala – o Iova lava ia o le a soloia 'ese ma fa'mautinoa o ona tagata o le a fa'atuatua (Jeremia 31: 31 ff; Esekielu 36: 22 – 32). Sa fa'aalia e Iesu lona popolega moni mo tagata agasala i le taliaina o latou o ni fa'auō ma fa'asoa se laulau masani ma latou o ē ua va'aia e le 'au ta'ita'i lotu fa'afiaamionu o ni tagata agasala (Mareko 2: 17). I le 'apoina o se uiga fa'apea ua ia va'aia o ia e moni mo le malō ale Atua ua ia tala'ia ma le tele o ana fa'ata'oto ua ta'ua le tele o olioli ale Atua i le agasala ua toe fo'i mai (cf. Luka 15). Ua fa'asoa e le fa'apotopotoga Kerisiano leni popolega mo le agasala ma le tagata agasala i o latou fa'apotopotoga (1 Korinitho 5: 5; Mt. 18: 14 – 16) ma o le taimi lava fo'i lea o le lē va'aia o lana tofi moni o se fa'apotopotoga e lē agasala o taimi fa'amesia (1 Ioane 3: 4 – 10).

O nei fuafuaga ua fausia ai se tala'aga i leni tala, ua matele tele ma Iesu ma ana uiga i le agasala, o se uiga ua fa'asoa e le ekalesia anamua, ae o le fa'amaloloina o le pipili, maofa ona o leni mea na tupu atonu o le a va'aia e tatou mata i le asō. Mo latou sa aumaia le ali'i ma'i ia Iesu, o lana tala muamua, 'o au agasala ua fa'amagaloina' sa i ai se fa'alog'aga natura ona mo Iutaia uma sa i ai se feso'ota'iga vāvālalata a le agasala ma le puapuagatia fa'aletino, o se feso'ota'iga o lo'o fesiligia e le tusi a Iopu i se faiga mata'ina e aunoa ma le mafai ona ofoina mai se fofō lelei e sui ai. Ae ui i lea, o Iesu e le'i taliaina nei faiga (Ioane 9: 3) ma o lana fa'aupuga 'O au agasala ua fa'amagaloina' oe ua i ai se uiga lelei o ia lava. Ae ui i lea, i le va'ai atu i le lu'itau i lana fa'aupuga mai ta'ita'i fa'alelotu ua ia fuafua e talia i latou i luga o a latou tu'utu'uga, ua fa'augaina fa'apea o Iesu sa tautala e fai ma sui o le Atua i le tulaga i agasala. O le mea lea, o le ekalesia anamua i le ta'ita'iina o lana 'au'aunaga i tagata agasala ua fuafuaina o ana malosi'aga sa fa'avacina i luga o le pule a Iesu (Mataio 18: 18); Ioane 20: 23) o lana misiona fa'amesia sa vala'uina ina ia fa'aauau i le lalolagi atoa.

2: 13 – 17. *O le vala'au a Levi.* O leni tala ua mulimuli fa'anatura i le tala na uma atu, ma e lē masalomia ua fa'atulagaina e Mareko i'inei ina ia fa'aailoa ai le taumafaiga a Iesu e fa'aailoa lona manatu alofa mo tagata agasala e ui i le 'taufaleaga' a le au tuisi upu, o le au fa'aliliu lautogia a le Tulafono. O le vala'au a Levi ua mulimulita'i le faiga e tasi e pei o tala o galuega na muamua atu, vaganā o leni ua fa'amatalaina o ia o se 'āo lafoga'. O leni galuega sa va'aia fa'atasi ma Tulafono a le au Roma itagia ma sa va'aia o se fa'alata o le talitonuga fa'alelotu Iutaia, ma fa'apea sa tatala atu i so'o se ituaiga o fa'atautala ma le amio letonu. O le au ao lafoga ma agasala ua va'aia e uiga tutusa i mata a le Iutaia fia amio atua. E lē gata na vala'uina e Iesu se ali'i fa'apenei e 'au atu i le latou fa'atasiga, ae sa fa'asoa fo'i i lana laulau i lona fale, o se fa'aailoga mautinoa mo se fa'atuatuga ma fa'auō mafana. Sa faia e Iesu se tali fa'atauma'oi iā i latou sa tete'e ma le fia amionu. O lana 'au'aunaga o le fa'amalologa, sa avatu iā i latou ua te'ea ma latou ua i ai le fa'amaoni e maituaina ai a latou mana'oga mo se feso'asaoni. Ua na o latou ia ua mafai ona lelei mai iā te ia po le mealofa ale Atua ua ia ofoina atu. O le au fia amioatua sa manatu ua na o latou e iloaina le ala atu i le Atua ua vavae'eseina mai i latou mai le alofa tunoa a le Atua o leni ua fete'ena'i ma Iesu.

1. Pe fa'apefea i se manatu i se mea'ai i le va o ni itū se lua o se fa'aailoga o le fa'aleleiga i le va o ni itū e lua ona fa'aogaina e le ekalesia i aso nei i ana 'au'aunaga o le fa'amaloloina.

2. Pe fa'apefea i uiga a le tusi upu fiaamionu o se lamatiaga moni mo le talitonuga kerisiano i nei aso?

2: 18 – 22. *O le fesili i le anapogi.* Anapogi o se fa'atinoina o galuega i tua atu o tiute masani aemaise mea

Mareko 2: 1 – 3: 6. O le amataga o le finauga

ua pele i Iutaia fa'afiaamioatonu (Mataio 6: 16 – 18) ma pe tatau iā Iesu ma latou sa mulimuli iā te ia ona fa'aogaina lea faiga e lē masani ai agai atu i ni faiga o le a maitauina ai i latou ma tu'uina atu i ai se va'ava'aiga lelei mo le lumana'i. O le tali a Iesu i'inei o le anapogi e i ai sona nofoaga i le foa'i atu kerisiano ae e tatau ona fa'aosofiaina nei i le ave'eseina o le teine fa'atoāfaiavā, o le mesia lenā, e pei o fa'amoemoega a Iutaia. Mo le kerisiano la, o se tasi o ala e fa'aailoa ai le maliu a Keriso. I le tusi atu i le au liliu Roma na tausisi Paulo o la latou papatisoga o la latou ta'utinoga lea e maliliu fa'atasi ma Keriso (Roma 6: 3 – 6), ma o le fa'aosofiaga mo le anapogi ua aumai i'inei ua o fa'atasi ma fa'atonuga masani. E lua isi saunoaga a Iesu ua fefa'ataua'ia ma le lē mafai ona filogia le tuai ma le fou ua fa'amamafa mai ai le tulaga mo Kerisiano o se motusia mata'utia o le tuana'i ma ona uiga ua vala'auina, ona e o' lava ua latou i ai i se fa'alelotu e tasi e pei o a latou tuā'oi Iutaia, mo se agaga fou atoatoa ua sau i le ola a le tagata fa'atasi ma Iesu.

1. O le a le matafaioi a le anapogi i le te'ea kerisiano i onapo nei?
2. O fea o lo'o taofiofi ai pea e le ekalesia i uiga 'tuai' i lona olaga ma galuega fai?

Faitauga mo le Masina o Iuni – 2024

12

Aso 2 Iuni Aso Sa “O Le Tino ma le Toto Pa'ia o Keriso” – Faitauga muamua – Esoto 24: 3 – 8.

Matua: Fa'auta o le toto o le feagaiga ua osia e le Ali'i ma outou

Salamo 116: 12 – 13 (tali), 15 – 16 (tali), 17 – 18 (tali). Tali: Ou te ava'e le ipu o le olataga, ma ou vala'au atu i le suafa o le Ali'i.

Faitauga lona lua – Eperu 9: 11 – 15. Matua: E fa'amamāina o outou loto fuatia ifo i le toto o Keriso.

Aleluia, Aleluia... O a'u le areto ola na alu ifo mai le lagi; pe a 'ai se tasi i lenei areto, ona ola ai lea o ia e fa'avavau...Aleluia.

Evagelia – Mareko 14: 12 – 16, 22 – 26. Matua: O lo'u tino lenei. O lo'u toto lenei.

Tofitofiga o le Upu:

O le ta'amilosaga o le tausaga B o le tausaga ua tatou avatu ai le māta'itū i le toto o Keriso i faitauga o le sulufaga o le asō. Atonu tatou te lagona se mafatiaga i le va'aia o le toto, pe talanoa fo'i e uiga i le toto, o lona taūa i le aganu'u a feagaiga i le Tusi Pa'ia e faigatā ona ova – fa'atatau. O faitauga mai le Esoto ma Eperu i le asō o ni masani o le tele o vaega mai tusitusiga o lo'o fefa'ataua'ia ma le toto o faigataulaga. O le mataupu i le Tulafono e uiga i le fa'amaligi toto ma faigataulaga ua fa'aailoa mai ai le malamalama'aga o le toto o se ola – malosī, e pei o le ola lava ia a le tagata po o manu. O lenei la o lo'o i le fatu o faigataulaga a Kalevalio, le nofoaga no ofoina ai le toto o le tama'i mamoe e aunoa ma ni pisipisia, mo agasala a le lalolagi. Ina ua lūlū atu le toto o le faitaulaga i le motu o tagata na ia tu'u fa'atasia tagata ma le mamalu i le Feagaiga na faia e le Atua ma i latou. O le toto o le faigataulaga a le Feagaiga Fou o se fa'asologa e 'ese mai ai le Tusi a Eperu, ona o lenei faigataulaga e atoatoa lelei, o se faigataulaga ua faia na o lenei taimi ma mo tagata uma lava ma o se faigataulaga e lē gata e fa'amamāina ai olaga atu i fafo a tagata mo latou na ofoina ai le taulaga, ae ave'eseina ai a latou agasala. O se natura mautinoa a le faigataulaga a Keriso – o le mana mautinoa ale toto a Keriso ua aumai ai le 'ese'esega. O se feagaiga e fa'avavau, ta'ita'i atu i se tofi e fa'avavau. E pei ona masani i lana evagelia, o Mareko e aupito sili le pu'upu'u o fa'amatalaga e uiga i gaioiga a Iesu, i lana fa'amatalaga o le Tausama'aga Mulimuli ua tu'uina e Mareko se fa'amamafa fa'apitua i le toto o le feagaiga, fa'amaligiina mo le to'atele. O le 'au ai i le Eukalisitia e lē na o se mataupu i mea'ai ma le inu, ae o le 'au ai i le faigataulaga le mea na masa'a ai le toto a lē na fa'asauaina ua ave ma fa'aolataga: Ua tago fo'i o ia i le ipu, ua fa'afetai, ona avatu ai lea e ia iā te i latou, ua fa'apea atu, “Inā inu ia outou uma i ai, auā o lo'u toto lenei o le toto o le feagaiga fou ua fa'amaligiina mo tagata e to'atele e fa'amagalo ai agasala.” E to'atele tagata ua fa'asoa i le

Faitauga mo le Masina o Iuni – 2024

Eukalisitia e lē manana’o e talia mai le kalise mo ni mafua’aga; o se su’esu’ega o le taūa o le faigataulaga i le Toto o Keriso i le tu masani e mafai ona fesoasoani e fa’aloloto ai lo latou talisapaia o le loloto o le taūa o le mea ua tatou patipatia pe a vala’auina i tatou e le Ekalesia i le Faiga’ai o le Tino *ma le Toto* o Keriso.

Aso 9 Iuni Aso Sa 10 Taimi Masani – Faitauga muamua – Kenese 3: 9 – 15. Matua: Ou te fa’atupuina le feitaga’i iā te oulua ma le fafine, o lau fanau fo’i ma lana fanau.

Salamo 129: 1 – 2 (tali), 3 – 4 (tali), 6 (tali), 7 – 8 (tali). Tali: O i le Ali’i le alofa, o iā te ia fo’i le fa’aolataga tele.

Faitauga lona lua – 2 Korinito 4: 13 – 18; 5: 1. Matua: Ua mtou fa’atuatua, o le mea lea ua matou tautala atu ai.

Aleluia, Aleluia...Ua liu tino tagata le Upu, sa mau fo’i o ia ma i tatou. O i latou uma e na talia o ia, na ia avatu i ai o lea manuia, ia avefa i latou ma fanau ale Atua...Aleluia.

Evagelai Mareko 3: 20 – 35. Matua: Ua o’o Satani i lona i’uga

Tofitofiga o le Upu:

“O lenā tagata ua ulufia e le tevelo ma ua leaga le mafaufau”

O nā tu’ua’iga matuiā sa lafo aga’i i le tagata o le ute o le atamai ma le pa’ia – Iesu. E i ai se popolega tele i nisi o tagata e mafai ona tu’ua’ia ma le leai o se alofa i isi ma fa’aleaga ai a latou ta’uleleia i se faiga fa’atamala.

O tagata e leai ni agasala e itiiti lo latou pulea o tu’ua’iga pepelo ma masalosologa ua tu’ua’ia ai i latou. E ui ua latou taumafai e fa’afitia nei tu’ua’iga leaga, ua leai lava se malosia’aga iā i latou e fa’amalosia ai isi e suia a latou manatu ma te’ea a latou pepelo taufa’aleaga. O se fa’amanuiaga o latou ua tu’ua’ia pepelo ua le fa’alogoia fa’aupuga pepelo uma ua faia iā i latou, ona o le loto vaivai o le a fa’avaivai ai i latou.

O le faitauga mai le Evagelia ua fa’ailoa mai ai iā i tatou e leai se auala e mafai ona puipuia lelei ai tatou mai ia pepelo ma tu’ua’iga, mai se tasi ua naunau e fa’asalalau ia faiga. E lē o tagata pa’ia po o Iesu lava ia na sao mai ai. I lenei faitauga, o Iesu le fomaini e tuli’eseina tevelo ua tu’ua’ia na ulufia e le tevelo. Sa ia taumafai e fa’afitia lea pepelo i le fai atu e lē o pulea o ia e le malosia a le tevelo – ona afai o la e fa’apenā, e fa’apefa la ona ia tuli’esea le tevelo? Sa ia fai mai o le mana a le Atua na ia tuli’eseina ai Satani. O le malosia’aga lava lea a Iesu ua vala’auina ai i tatou e ulu atu i papuipui o a tatou mātata’u, e pei o le ali’i loto tele a le Evagelia, ma fa’asa’oloto ai o tatou agaga mai leaga ma masalosologa ua saisaia ai i tatou. O la tatou fa’atuatua ua mafai ai e tatou ona fa’asa’olotoina i tatou mai totonu e ui o lo’o i tigā mai totonu ma le lē mautonu.

O lenā fuaiupu fa’atusi pa’aia e uiga i le agasala e lē fa’amagaloina ua maua i lenei faitauga. O le a lea? E masani ona fa’aigoaina o le agasala aga’i i le Agaga Pa’ia – o le fa’auau o le ta’uta’uina o se pepelo e se tasi a o la e iloaina le mea moni. O le agasala lē fa’amagaloina o le vala’auina lea o le Atua, Satani; malamalama, pogisā; ma galuega lelei, tevelo. O lenei musu mautu e fa’ailoa le moni o se fa’asesēina atoatoa, ma o le mea moni lava, o le toe suia ato o le maitauina o le moni. I se faiga uiga’ese o se lalolagi o fesuia’iga ua fa’apea mai o le Atua e tevelo ma le agasala, fa’amagaloga ua mou atu lona moni ma e lē mafai ona avatu pe taliaina fo’i. “Ua na o ia e mafai ona fa’amagaloina,” na tusia e Patele Ioane L. McKenzie, “o lē na fa’ailoaina o lo’o i ai se mea iā ia e mafai ona fa’amagaloina.”

I o tatou olaga ua tatou fa’ailoaina ai o Iesu o le Ali’i Toetū, le Fa’aola lautele, le Malamalama o le Lalolagi ma le Fa’aleleia fa’amanu’alia, o lana lavea’i fa’amagaloga ua faigofie ona tafe mai – toetoe lava a fa’afuase’ia mai – iā i latou e manana’o e iloaina ma le fa’amaoni ma alofa iā te ia. Afai tatou te tumau ai i lenei uiga, e lē tatau ona tatou toe popole i agasala e le’i fa’amagaloina i o tatou olaga.

O lo tatou fa’atuatua i le Ali’i ma lo tatou alofa mo ia ua faia i tatou o ni uso ma tuafafine fa’aleagaga. Ua noatia ai i tatou i se aiga o le fa’atuatua ua sili atu lona vāvālalata i lo se aiga ua tutū fa’atasi ona o tulaga o le toto e tasi. Ua tatou iloaina sa i ai se alofa tumau i le va o Iesu ma lona tinā. O lenā ituaiga o alofa e mafai ona avefa ma fa’avae o la tatou fa’auō ma le Ali’i. A tatou fa’ailoaina ana upu ma mulimuli i ona ala, ua tatou fausia se noataga tumau ma le Fa’aola. “O ai lava e faia le finagalo o le Atua o se uso ma se tuafafine ma se tinā iā te A’u.”

Aso 16 Iuni Aso Sa 11 Taimi Masani – Faitauga muamua – Esekielu 17: 22 – 24. Matua: Ua ou fa’amaulugaina le la’au maualalo.

Faitauga mo le Masina o Iuni – 2024

Salamo 92: 1 – 2 (tali), 12 – 13 (tali), 14 – 15 (tali). Tali: Le Ali'i e, e lelei ona vivi'i atu iā te oe.

Faitauga lona lua – 2 Korinito 5: 6 – 10. Matua: Pe matou te nonofo i le tino, pe matou te lē nonofo ai, ua matou loto malolosi ina ia fiafia mai o ia iā te i matou.

Aleluia, Aleluia... ua liu tino tagata le Upu, sa mau fo'i o ia ma i tatou. O i latou uma e na talia o ia, na ia avatu i ai o lea manuia, ia avea i latou ma fanau ale Atua...Aleluia.

Evagelia Mareko 4: 26 – 34. Matua: E itiiti le fua o le sinapi i fua uma; pe a totoina fo'i e avea ma la'au tele.

Tofitofiga o le Upu:

Atonu tatou te va'ai iā i tatou o ni atamamai tele i vaega 'ese'ese, ae afai e una'ia mo ni fa'amatalaga a'ia'i e lē masalomia o le a tatou fa'aletonu. Ua tatou fesili pe fa'apefea ona fa'aoga se ta'avale – ki mo faitoto'a ma le fa'aolaina o le ta'avale, fa'apefea ona sui le kia, o le a le mea e fai pe a lē ola. E fa'apea fo'i vaega e pei o leitiō, televise ma mea fa'apea. So'o se isi lava e mafai ona tusia se afitusi, ae o ai e mafai ona fa'amatalaina le misitelio o le afi? Ua tatou va'ai i le miliona o meaola – laula'au, la'au, manu felelei, manu vaefa ma tagata – ae o ai e mafai ona fa'amatalaina lelei le olaga?

O le natura fa'amisitelio o le "afio ai o le Atua" ua va'aia i le faitauina o le Evagelia o le asō. Ua fa'atusaina e Iesu i se fatu saito ua totoina, ona "mate" lea pe totogo ma fua mai ma avea ma la'au ua olaola lelei ma matua. E ui i tama'i fatu, fai mai ai o ia, e mafai ona fa'ateleina o ia lava pe afē ni taimi ma avea ma se la'au tele. Mafaufau i se la'au malō ua tupu atu aga'i i le lagi, ona manatua lea na sau mai se fatu e lē sili atu lona lapo'a i lo le tumutumu o lou lima matua. O lea fatu e i ai se mea fa'apitoa i totonu, a totōina i le 'ele'ele tu'u i ai le avanoa e ola ai ma avea ma la'au tele. Ae o le fatu ma le 'ele'ele e tatau ma e mana'omia.

Ua fai mai le Ali'i i le mea lava lea e tasi e moni o lana Upu ma a tatou tali atu. O le malō e le'i fa'avaeina na o ana upu fa'apea na o tatou taumafaiga, ae i le tu'ufa'atasi o le lua lea. O le fai fa'atoaga e lē malamalama pe aiseā pe fa'apefea i le fatu ona ola ma tupu, ona o lenā e tupu otomeki lava, e pei ona i ai ni vaega o fa'atonuga na polokalameina e le Atua. O le mea lea o le fai fa'atoaga e mafai ona moe a o le tele o le tuputupu a'e ma le matua o mea totō.

O le upu a le Atua – le fatu o le olaga Kerisiano – ua totōina i le papatisoga, e lē iloaina e le pepe ae ui i lea, tuputupu a'e i totonu e o'o lava i taimi o lo'o moe ai. Afai o le 'ele'ele o tatou agaga e te'ea ma fa'ate'a ese atu le fatu, o le a leai se ola fou. O lo'o i totonu o tatou tagata ma le malosia fa'aletagata ma le malamalama e taliaina pe te'ea le mea ua totō i totonu.

Ona o le uati fa'anatura e gaii lemū. E lē tatau iā i tatou ona taumafai e una'ia fa'amalosia o tatou matutua i luma atu o fuafuaga. Ae tatou te le'i olaola lelei, e tatau iā i tatou ona tu'uina atu se anoanoa'i o taimi mo le fatu e 'eli ai a latou a'a o le fa'atuatua, fa'amoemoe, alofa, onosa'i ma le faimea tonu i o tatou 'ele'ele. O le maualuga umi tatou te alu a'e ai, o le loloto o tatou a'a e tatau ona i ai. O le Upu a le Atua o le a maua mai ai le anoanoa'i o le seleselega i totonu o tatou pe afai tatou te tu'uina atu i ai le avanoa. O le mea e tatau ona tatou faia na o le avatu o se si'osi'omaga tatau mo le totōina, olaola ma le seleselega e mulimuli mai ai.

Aso 23 iuni Aso Sa 12 Taimi Masani – Faitauga muamua – Iopu 38: 1, 8 – 11. Matua: O i'inei e pau mai ai ou galu fa'amaualuga.

Salamo 106: 23 – 24 (tali), 25 – 26 (tali), 28 – 29 (tali), 30 – 31 (tali). Tali: Vivi'i atu ia outou i le Ali'i auā e fa'avavau lava lona alofa.

Faitauga lona lua – 2 Korinito 5: 14 – 17. Matua: Fa'auta, ua o'o mai le ola fou.

Aleluia, Aleluia... O au afioga o le agaga ia, o le ola fo'i ia; o iā te oe upu o le ola e fa'avavau...Aleluia.

Evagelia Mareko 4: 35 – 41. Matua: Po o ai lava lenei, ina ua ususita'i lava le matagi ma le vai iā te ia.

Tofitofiga o le Upu:

O ni ālo va'a lelei e faigofie ona sopo'ia le Sami a Kalilaia i lalo ifo i le itulā. Ua na o le valu maila le lautele i vaega e vatele.

O le evagelia o le asō ua mauaina Iesu ma ana aposetolo na faimalaga atu i se va'a ma ua maua e le sousou malosia o le vai e masani lava ona malū ma to'a. I le lagonaina o la latou talosaga atu, na fa'amalū ai e Iesu le vai ma le sami i se faiga mata'ina, ae manatu se tasi pe aiseā na latou folau atu ai i nei taimi o le matagi ma le sousou. Sa silafia lelei e le Ali'i i le lamatiaga sa fa'atalitali mai ma le au aposetolo, o ni ali'i e naunau i le

Faitauga mo le Masina o Iuni – 2024

fagota, sa tatau lava ona i ai ni fa'aaliga o se matagi malosi o lo'o fougou mai. Na aumai e Mareko le mafua'aga mo lo latou faimalaga atu i le fuaiupu muamua o le faitauga: Na fetalai atu Iesu i ona so'o "Inā tatou o atu ia i le tasi itū".

Manatua o lo tatou Ali'i ua na o le tolu tausaga e folafola ai Lana a'oa'oga, ausia ana fa'amalologa ma fa'avae le Ekalesia. E lē gafatia e ia ona saufa'i i se nofoaga e saogalemū ma fa'atalitali mo le tau. O lana galuega i lenei aso ma se motu o tagata fa'apitua ua uma, ma ua o'o mai le taimi e alu atu ai i isi, i se pito nu'u mamao. Sa ia silafiaina o se afā ua amata ona agi mai e lē goto ai le va'a, le mafua'aga sa ia poloa'ia ai le va'a ina ia alu atu. Sa ia aumaia fo'i ma se avanoa mo le au aposetolo e fa'amautū ai o latou fa'atuatua i ana fa'ai'uga.

Sa fa'aalia e Iesu lona fa'atuatua iā latou mafai ona tau'aveina le va'a i lona aveina o le fa'amalū o le nofoa ale 'ave va'a ma moe ai. Ua foliga mai o le faigamalaga o se tete'e atu i fa'ai'uga ua sili atu a le au aposetolo, ae atonu sa fa'atigā ai o latou manatu i le va'aiga latou te lē mafai ona tumau lo latou fa'atuatua i se faigamalaga saogalemū. "Le a'oa'o e, e te lē manatu mai 'ea iā te i matou a fano?"

Mo latou uma sa mulimuli iā Iesu o le a tele ni avanoa e folau atu ai i le sousou aga'i atu i se matafaga mamao, ona o lana vala'aulia. Afai tatou te fa'atalitali pea mo le tau ina ia lelei, o le a itiiti lava mea tatou 'ausiaina. O se Kerisiano e fuafua i le tau o le a gaioi fuafua, a o se tasi e i ai se naunauta'iga malosi ina ia ausia se misiona o le a lē popole i tulaga lamatia ona o le fa'atuatua. O le tagata malaga e tatau ona fa'amoemoeina afā o le tauemuga, faitio matuiā, e o'o lava i le fa'amata'u o le sauāina, ae ua ia alu atu i luma. O le mea lilo o le ola ai e lē o se va'a telē ae o le fa'atuatua loloto.

Afai ole mafua'aga e lelei ma le fa'atuatua e malosi, o le afā o le a lē fa'amagotoina 'oe ona ole Ali'i o le a i ai i le va'a ma o le a taunu'u i le matafaga mamao. A malōlō le Ali'i (pe moe) o se fa'ailoga o lo'o i ai lona fa'atuatua tele iā 'oe. Avatu iā te ia lou fa'atuatua atoa ma folau pea. Manuia le faigamalaga.

Aso 30 Iuni Aso Sa 13 Taimi Masani – Poto 1: 13 – 15, 2: 23 – 24. Matua: O le matau'a o le tiapolo ua ulu mai ai le oti i le lalolagi.

15

Salamo 30: 1, 3 (tali), 4 – 5 (tali), 10 – 12 (tali). Tali: Le Ali'i e, ou te vivi'i atu iā te oe; auā ua e fa'aeaina a'u.

Faitauga lona lua – 2 Korinito 8: 7 – 9, 13 – 15. Matua: Ia fesoasoani lo outou tamaoiga i lo latou mativa.

Aleluia, Aleluia... O au afioga o le agaga ia, o le ola fo'i ia; o iā te oe upu o le ola fa'avavau... Aleluia.

Evagelia Mareko 5: 21 – 43 Creed Matua: Funa e, ou te fai atu iā te oe, ia e tula'i.

Tofitofiga o le Upu:

E tele aso o 'au'aunaga a Iesu sa fa'aalu i le fa'amaloloina o tagata mama'i ma pipili. Na te le'i faia ni galuega fa'afoma'i ae sa faia fa'amalologa fa'amaoni. O lona ta'uleleia na salalau ma na lolofi mai i ai tagata iā te ia.

O se ali'i i le Evagelia o le asō na 'ai'oi atu iā Iesu e sau ma "pa'i ona lima" i luga o lona afafine," ina ia toe malosi mai o ia. I le ala o se fafine sa maua i se mai mo le sefululua tausaga, sa tau fa'asaosao mai le motu o tagata ina ia pa'i atu i lona ofu, na mautinoa e fa'amaloloina ai o ia. Na fa'amaloloina i lenā lava taimi, ona o lona fa'atuatua i lona mana fa'amaloloina.

Ina ua maua le tala ua oti se teneitiiti, e le'i taofiofi maia le savalia Iesu ae na aga'i atu i le fale ma avatu i ai se ola fou. O talitonuga moni ma vaila'au lelei ua tu'ufa'atasia i le tagata o Iesu. O le asō ua fa'aauau ona fa'agalulue fa'atasi nei faiga mole lelei o le sosaiete.

E ala mai i sakalameta, ua a'apa atu le Ekalesia ina ia fa'amaloloina. Fa'aleleiga o lona uiga o le tu'ua o se tagata i se fa'alogo'aga ua sili atu ma malosi, sauni e faia se amataga ma se va'aiga fou. O sakalameta mo le au mama'i, aga'i atu i ai ma le fa'atuatua, fa'amafanafana, e fa'amalosia ma fa'aleleia lē ua taliaina mai tigā ma mata'u e tele. O se fa'ata'ita'iga lelei o le fa'amaloloina fa'alefa'atuatua.

I le Ekalesia ua tatou tatalo mo le au mama'i, fa'apea mo isi. E tele ua fa'amoemoe e lē gata mo tagata mama'i ae i le fa'atuatua o le tasi ua talosaga. O le afafine a Iario e le'i talosaga atu ia Iesu mo se fa'amalologa; o lona tamā na faia. Atonu o le teneitiiti e le'i i ai sona malamalama'aga iā Iesu, ae o lona tamā sa talitonu ma na sau Iesu ma faia se vavega ona o lona fa'atuatua.

E lē tatau iā i tatou o fa'amalologa uma fa'alelotu na tupu i se va'aiga 'autū i se faletele po o se televise. Tatou te talitonu o fa'amalologa fa'amaoni o ni mea e tuma'oti toe natia. Maitau i le Evagelia, e leai se isi na iloaina le fafine na fa'amaloloina vaganā le fafine lava ia. Ae na te le'i fa'amanuiaina le teitiiti i se olaga fou, na



Faitauga mo le Masina o Iuni – 2024

fa'ate'a 'ese atu e Iesu le motu o tagata. Na te le'i sa'ilia se patipatia mai le motu o tagata.

O fa'amalologa a Iesu e lē o ni maneta po o ni otometi. Sa tafe sa'o mai i talitonuga maumaututū. O le mea lea e tataua ona i ai le fa'atuatua i luma atu o tatalo uma ua tatou tataloina; i luma atu o sakalameta ua tatou taliaina; i luma atu o fa'amalologa ua tatou sailia.

Faitauga mo le Aso Sa muamua o Iulai - 2024

Aso 7 Iulai Aso Sa 14 Taimi Masani – Faitauga muamua Esekielu 2: 2 – 5. Matua: O le aiga fouvale i latou, latou te iloa sa i ai le perofeta iā te i latou.

Salamo 123: 1 – 2 (Tali), 3 – 4 (tali). Tali: Ua va'ai a'e o tatou mata i le Ali'i, se'ia alofa mai o ia iā te i tatou.

Faitauga lona lua – 2 Korinito 12: 7 – 10. Matua: Ou te mitamita i mea ua ou vaivai ai, ina ia tumau i o'u luga le mana o Keriso.

Aleluia, Aleluia...O a'u nei o le malamalama o le lalolagi; o lē mulimuli mai iā te a'u e iā te ia le malamalama o le ola...Aleluia

Evangelia Mareko 6: 1 – 6. Matua: E leai se perofeta e lē mamalu, na o lona lava nu'u e lē mamalu ai.

Cathedral reopening

16

Friday 7 June

5.30am Whakawātea dawn blessing at 5.30am by Mana Whenua. All are welcome to attend. We will be gathering at the Cathedral Doors at 5.20am. Please RSVP to ea.abp@wn.catholic.org.nz for catering purposes.

7.30pm Watch the livestream on the Archdiocese of Wellington YouTube channel:

www.youtube.com/watch?v=bANyq3s3RCs

Saturday 8 June—Day of Adoration

8.30am Parish Mass

9.00am-5.00pm Day of Adoration – groups, parishes, and chaplaincies are invited to lead an hour. Open to everyone to spend time in prayer with the Lord.

5.00pm Ecumenical celebration of Evening Prayer – all welcome

Sunday 9 June— Parish Homecoming Mass

10.00am Archbishop Paul to preside at the Cathedral Parish 'homecoming' Mass and bless and install Fr Patrick Bridgman and Debbie Matheson as the Cathedral Pastoral Team

11.00am Refreshments and fellowship following Mass.

2.00 – 4.00pm – Tours of the Cathedral sharing the processes of the restoration and strengthening work. Entry by Koha. Tours at 2.00; 2.45 and 3.30pm.

7.00pm Evening Mass will bring the weekend to a close.



Mikaele Teofilo:  021 0818 5037